

խոյ վերին եկեղեցին տսեն Լատինք թէ քակեալ աւերեցաւ յԱրաբացոց . պատուական քարինք եւ սիւնքն փոխագրեցան 'ի շինուած մզկիթին Օմարայ և պարսպի քաղաքին , թերեւս յաւուրս Սալիֆայութեան Ապուլ-Մեկեքայ որդւոյ Մրվանայ , շինողի մզկիթին Օմարայ իբր յեօթներորդ դարու :

Ապա ետև կառուցանել եւ Տրդատ արքայն Հայոց եւ զՎանս Բեթղէնէ մի հանդերձ եկեղեցեաւն 'ի վերայ տեղւոյն ծննդեանն Քրիստոսի : Տես Յայամաւուր յԱպրիլի 12 . որպէս ազգային աւանդութիւն է . և կամ հիմն արկ Հեղինէ եւ Տրդատ կատարեաց զայն իւր ծախիւք նուիրեալ յանուն Սուրբ Աստուածածնի . զառաջին ձեւ եկեղեցւոյն այսպէս նկարագրէ Պատմիչն Աղուանից . « Չափ մեծութեան եկեղեցւոյն 200 կանգուն յերկայնութիւնն և 100 'ի լայնն՝ 90 սեամբք մարմարիոնովք , քարեայ կամարակապ : Եւ ներքոյ բեմին Ս . Այրն և Մսուրն , ուր սեղան է և պատարագ մատչի » . Երէս 422 : Այժմ կորուսեալ է եկեղեցին զառաջին ձեւն , զորոյ զտախտակամած փայտեղէն ձեղունն ամբառնան միայն 50 յաղթ սիւնք , և սագաշէն փայտակերտն է կապարածածք , եւ եկեղեցին խաչաձեւ . արտաքին դրունքն խափանեալ են բաց 'ի միոյն , զորմէ լիցին բանք մեր 'ի տեղւոյ իւրում : Ի կարգի շինութեանց եկեղեցեացն Ս . Տեղեաց և ժամանակակից նոցին գտանի և փառաւոր եկեղեցին կառուցեալ 'ի վերայ շիրմի գլխոյ Մեծի առաքելոյն Յակոբայ , որդւոյն Ձերեթեայ ծախիւք արքային Հայոց մեծին Տրդատայ սակա բնակութեան կըրօնաւորացն Հայոց . նոյնպէս և եկեղեցիքն սրբոց Հրեշտակապետաց և սուրբ Փրկչի 'ի նմին դարու : Առաջինն կառուցեալ է 'ի տեղի տան քահանայապետին Աննայի , ուր ածաւ նախ Քրիստոս կապանօք 'ի գիշերի մատնութեան՝ եւ առաքեցաւ առ Կայիափա . աստ է առաջին բանտն Քրիստոսի և Ձիթենին յոր կապեցաւ . երկրորդն 'ի տեղի տան քահանայապետին Կայիափա , ուր է երկրորդ բանտն Քրիստոսի : Զմանէ ասէ և պատմիչն Աղուանից Մովսէս , « Յահէկէ Սիօնի բանտն , ուր զՔրիստոս արգելին . անդ սեղան է և պատարագ մատչի » :

Մնացորդք ճարտարապետական շինուածոց Ս . Յակոբայ